
ВИЛОЯТ ҲОКИМИ ЭРОННИНГ “MR.FISH” КОМПАНИЯСИ РАҲБАРИ ШАФИ ҒУЛОМ РИЗО ҲАМДА ИНВЕСТОР КАТАЮН БЕҲЗАДИНИ ҚАБУЛ ҚИЛДИ.

Фарғона вилояти ва Эрон Ислом Республикаси ўртасида иқтисодий-инвестициявий, ижтимоий ҳамкорликни ривожлантириш масалалари учрашув кун тартибидан ўрин олди.

Мулоқот чоғида вилоят ҳокимлиги, “Mr.Fish” компанияси ҳамда Эрондаги дунёнинг энг йирик олтинчи университети – бир миллиондан зиёд талабага эга, жаҳоннинг барча нуфузли рейтингларида кучли 500 таликда муқим ўринга эга Azad University билан ҳамкорликда Фарғонада олий таълим муассасаси ташкил этиш масаласи муҳокама этилди.

Фарғона вилоятида рўйхатдан ўтган, Фарғона ҳамда Тошкент шаҳрида кэмпусларига эга бўлган аниқ фанлар, ахборот технологиялари, иқтисод, фундаментал фанлар, қишлоқ хўжалиги йўналишларида фаолият юритадиган “Azad University” олий таълим муассасасини ташкил этиш бўйича ҳамкорлик келишуви имзоланди.

Шунингдек, вилоят ҳокимлиги ва “Mr.Fish” компанияси ўртасида Қорақалпоғистоннинг Фарғона вилоятига бириктирилган Бўзатов туманида доривор гиёҳлар етиштириш ва етиштирилган маҳсулотларни тўла қайта ишлаш лойиҳаси бўйича келишув имзоланди. 2022 йилда биринчи босқичда 500 гектар майдонда 2 миллион доллар тўғридан тўғри хорижий инвестиция йўналтириш орқали амалга ошириладиган ушбу лойиҳа доирасида 160 нафар доимий, 500 нафар мавсумий иш ўрни шакллантирилади. Кейинги йилларда иккинчи босқичда яна 4500 гектар майдонда лойиҳани кенгайтириш йўлга қўйилади.

Бизни ижтимоий тармоқларда кузатинг [Facebook](#), [Telegram](#), [Facebook](#), [YouTube](#), [Instagram](#)

2022-04-22 12:09:25